



O‘ZBEKISTON RESPUBLIKASI OLIY VA O‘RTA MAXSUS TA’LIM VAZIRLIGI

MINISTRY OF HIGHER AND SECONDARY SPECIALIZED EDUCATION
OF THE REPUBLIC OF UZBEKISTAN

100095, Toshkent sh. 2-Chimboy ko‘chasi, 96-uy. Tel: (998) 71 246-01-95, e-mail: devonxona@edu.uz, edu@exat.uz, veb-sayt: www.edu.uz

2022-yil 8-fevral

02/16-3/3-2-son

Oliy ta’lim muassasalari rektorlari va filiallar direktorlariga

Oliy va o‘rta maxsus ta’lim vaziri tomonidan tasdiqlangan “O‘zbekiston Respublikasi Prezidentining “Davlat organlari va tashkilotlarining faoliyati ochiqligini ta’minlash, shuningdek, jamoatchilik nazoratini samarali amalga oshirishga doir qo‘shimcha chora-tadbirlar to‘g‘risida” 2021-yil 16-iyundagi PF-6247-son Farmoni bilan vazirlikka yuklatilgan vazifalar ijrosini ta’minlash bo‘yicha **nazorat rejasini**”ga muvofiq vazirlik tasarrufidagi oliy ta’lim muassasalari o‘z faoliyatlariga oid ma’lumotlarni doimiy ravishda rasmiy veb-saytlariga joylashtirib borishlari yuzasidan tegishli ko‘rsatma (29.09.2021 й., 2/16-1/2-18-сон) berilgan edi.

Mazkur topshiriq ijrosi qay darajada ta’minlanganligini o‘rganish maqsadida 2022-yil 8-yanvar holatiga ko‘ra, **105 ta** oliy ta’lim muassasasining rasmiy veb-saytlarida **7 ta turdagi** ochiq ma’lumotlarni joylanganlik holati yuzasidan monitoring o‘tkazildi. Monitoring natijasida jami **105 ta** OTMdan **4 tasi (3,9%)da barcha** ma’lumotlar saytga joylashtirilgan va **58 tasi (55,2%)da** ma’lumotlar **qisman kiritilgan** hamda **36 ta (34,2%) OTM** rasmiy saytida talab etilgan ma’lumotlar **mavjud emasligi** aniqlandi. Shuningdek, monitoring natijasi **5 ta (4,7%)** OTMning rasmiy veb-sayti mavjud emasligini, **2 tasi (2%)ning** esa sayti ishlamasligini ko‘rsatdi.

Yuqoridagilardan kelib chiqqan holda, Sizdan mazkur **Nazorat rejasidagi** vazifalar asosida ta’lim muassasangiz faoliyatiga doir ma’lumotlarni joriy yilning 20-fevraliga qadar joylashtirib, amalga oshirilgan ishlar yuzasidan ma’lumotni 25-fevralgacha vazirlik Axborot xizmatiga taqdim etishingiz so‘raladi.

Taqdim etilgan ma’lumotlar asosida har chorakda monitoring shakllantirilib, natijalari yuzasidan axborot rahbariyatga kiritilishini hisobga olgan holda, **Nazorat rejasidagi** vazifalar ijrosini shaxsan o‘z nazoratingizga olishingizni so‘raymiz (*monitoring natijasi va tegishli hujjatlar ilova qilinadi*).

Vazirning birinchi
o‘rinbosari



K.Karimov

